

## **Kalaallit Nunaanni aningaasanik nuussisumik paasissutissat ilanngunneqartarnissaat pillugu inatsit**

UAGUT MARGRETHE APPAAT, Guutip saammaanneragut Danmarkip Dronningia, nalunaarpugut:

Inatsit manna Folketingip akuersissutigimmagu Uagullu akuersinitsigut atuutilersikkatsigu:

### Kapitali 1

*Atuuffia*

**§ 1.** Inatsit manna atuuppoq nunat allat aningaasaat apeqquaatinngit aningaasanik nuussinernut Kalaallit Nunaanni akiliiffimmit nassiunneqartunut tiguneqartunulluunniit, akiliiffik aningaaseriviuppat, qularnaveeqqusikkanik taarsigassarsitsisarfiuppat, qarasaasiakkut akilikkanik fondsmægleritut ingerlatitseqatigiiffiuppat, ileqqaartitsisarfiuppat imaluunniit taamaaqataanik suliaqartumik nunat allat suliffeqarfiutaannut immikkoortortaqarfiuppat.

*Imm.* 2. Kreditkortit debetkortilluunniit atorlugit aningaasanik nuussinernut inatsit manna atuutissanngilaq

- 1) nioqqutissat sullissinerilluunniit akilertarnissaannik tigusisussaq akilikkanik ingerlatitseqqittartumut isumaqatigiissuteqarsimappat, aamma
- 2) aningaasanik nuussisup erseqqissumik kinaassusersinissaanut nuussineq uppernarsaaserneqarsimappat.

*Imm.* 3. Aningaasalersuinermik ingerlatsineq pillugu inatsimmi nassuiardeqartutut 7.500 kr. tikillugit aningaasanik qarasaasiakkut nuussinernut inatsit manna atuutissanngilaq

- 1) korti immersoqqittariaqanngitsoq annerpaamik 1.125 kr.-inik immerneqarsinnaappat, imaluunniit
- 2) korti immersoqqinnejqarsinnaasoq ukiup ataatsip ingerlanerani 18.750 kr.-inik immerneqarsinnaappat ukiullu ataatsip ingerlanerani annerpaamik 7.500 kr.-inik tigusiffigineqarsinnaappat.

*Imm.* 4. Oqarasuaatikkut angallattakkatigut allatigulluunniit qarasaasiakkut imaluunniit it-mik atortukkut siumut akilikkanik 1.125 kr.-nillu qaangernagit aningaasanik nuussinernut inatsit manna atuutissanngilaq.

*Imm.* 5. Oqarasuaatikkut angallattakkatigut allatigulluunniit qarasaasiakkut imaluunniit it-mik atortukkut qingumut akilikkanut inatsit manna atuutissanngilaq atuutissanani

- 1) nioqqutissat sullissinerilluunniit akilerneqartarnissaannik tigusisussaq akilikkanik ingerlatitseqqittartumut isumaqatigiissuteqarsimappat,

- 2) aningaasanik nuussisup kinaassusersinissaanut nuussineq uppermarsaaserneqarsimappat, aamma
- 3) aningaasarsianik malunnarunnaarsaaneq aamma qunusiarinninnikkut anguniagaqartarnerup aningaasalersornerata akiorniarneqarnera pillugu inatsimmut akilikkanik ingerlatitseqqittartoq ilanngunneqarsimappat.

**§ 2.** Nioqqutissanik sullissinernillu pisinermi Kalaallit Nunaata iluani aningaasanik nuussinernut inatsit manna atutissanngilaq

- 1) aningaasat 7.500 kr. qaangersimanngippatigik,
- 2) aningaasarsianik malunnarunnaarsaaneq aamma qunusiarinninnikkut anguniagaqartarnerit aningaasalersorneqarnerisa akiorniarneqarnera pillugu inatsimmut tigusisussap akilikkanik ingerlatitseqqittua ilanngunneqarsimappat, aamma
- 3) nioqqutissat sullissinerilluunniit pissarsiarinissaat pillugu aningaasanik tigusisussap aningaasanik akilikkanik ingerlatitseqqittartoq isumaqtigisiissuteqarfigisaa, tigusisussaq aqqutigalugu sullissivimmik inummilluunniit nuussisumik kinaassusersisinnaappat.

*Imm. 2.* Imm. 1-imi inatsimmi pineqanngitsutut taaneqartut assigalugit taamatuttaaq Kalaallit Nunaata Danmarkillu aamma Kalaallillu Nunaata Savalimmiullu akornanni aningaasanik nuussinernut inatsit manna atutissanngilaq.

**§ 3.** Paasissutissat sorliit aningaasanik nuussinernut ilanngunneqarnissaat pillugu piumasaqaatit, tak. § 9, kattuffinnut tamanut iluaqtissanik siunertalinnut aningaasanik nuussinernut atutissanngillat

- 1) aningaasat nuunneqartut 1.250 kr. qaangersimanngippatigit,
- 2) Kalaallit Nunaata iluani nuussinerni,
- 3) kattuffik naatsorsuutinik saqqummiussisussaatitaappat aamma
- 4) kattuffik pisortanit kukkunersiusarfimmilluunniit allanit naalagaaffiup akuerisaanit kukkunersiusutulluunniit nalunaarsukkamit isumagineqartumik nakkutigitinnejqarpas.

*Imm. 2.* Imm. 1-imi inatsimmi pineqanngitsutut taaneqartut assigalugit taamatuttaaq Kalaallit Nunaata Danmarkillu aamma Kalaallillu Nunaata Savalimmiullu akornanni aningaasanik nuussinernut inatsit manna atutissanngilaq.

*Imm. 3.* Imm. 1 malillugu atutitsinnginnerit tunngavigaat kattuffiup Finanstilsnimut nalunaarsortissimanissa uppernarsassallugulu naatsorsuutinik saqqummiussinissamik allanillu kukkunersiusoqarnissamik pisortanilluunniit nakkutigineqarnissamik piumasaqaatit naammassineqarsimanissaat. Kattuffiup aammattaaq paasissutissiissutigissavai kattuffiup qullersaanit ilaasortat imaluunniit aamma kattuffimmik nakkutilliisutitat. Oqaaseqatigiit siullianni aappaannilu taaneqartut allannguutaat Finanstilsnimut nalunaarutigineqartassapput.

**§ 4.** Inatsit manna atutissanngilaq aningaasanik nuussinernut,

- 1) akiliisoq nammineq kontominit aningaasanik tigusisimappat,
- 2) illuatungeriit marluk akornanni debetimik nuussinissaq akuerineqarpas, illuatungeriit akornanni kontonut akiliisinnatitsisoqarpas, akiliisoq tamatumunngaluunniit oqartussaasoq nuussineq pillugu uppernarsaasiimappat nuussisoq kinaassusersineqarsinnaalersillugu,
- 3) checkinik qarasaasiakkoortittakanik akiliisoqarpas,
- 4) Kalaallit Nunaanni akileraarutinik, akiliisitaanernik akitsuutinilluunniit allanik pisortanut akiliisoqarpas,

- 5) Danmarkimi Savalimmuniunuunniit akileraarutinik, akiliisitaanernik akitsuutinilluunniit allanik pisortanut akiliisoqarpat, imaluunniit
- 6) Akiliisoq tigusisorlu namminneq akilikkanik ingerlatitseqqippata.

## Kapitali 2

### *Nassuiaatit*

**§ 5.** Inatsimmi matumani makku imatut paasineqassapput:

- 1) Akiliisoq: Inuk sullissivilluunniit kontomik piginnittoq kontomiit aningaasanik nuussinissamut akuersisoq imaluunniit kontoqanngippat inuk sullissivilluunniit aningaasanik nuussinissamut inniminniisoq.
- 2) Tigusisoq: Inuk sullissivilluunniit aningaasanik nuussanik naggaterpiaatigut tigisisussatut naatsorsuussaasoq.
- 3) Akilikkanik ingerlatitseqqittartoq: Inuk sullissivilluunniit aningaasanik nuussisarfittut sulialik.
- 4) Akilikkanik ingerlatitseqeqataasartoq: Akilikkanik ingerlatitseqqittartoq, akiliisumut tigisumulluunniit ingerlatitseqqittartutut suliaqartuunngitsoq aningaasalli nuunneqarnerannut peqataasartoq.
- 5) Aningaasanik nuussineq: akiliisoq tigusisorluunniit inuk ataasiunersoq apeqqutaatinngagu tigisisussap akilikkanik ingerlatitseqqittartumit tigusaqarnissaa siunertalarugu, akiliisoq sinnerlugu, akilikkanik ingerlatitseqqittartoq aqqutigalugu aningaasanik nuussineq.
- 6) Batchfilikkut nuussineq: inummut katersanik ataatsikkut nuussisarnerit.
- 7) Kinaassusersissut: Akiliinerit, atorunnaarsitsinerit nalunaarnerillu nuussinerni atorneqartartut pillugit aalajangersakkanut ilassutit naapertorlugit naqinnerit, kisitsisit symbolilluunniit ataatsimoortitat akilikkanik ingerlatitseqqittartumit pilersitat.

**§ 6.** Aningaasarsianik malunnarunnaarsaaneq inatsimmi matumani aningaasarsianik malunnarunnaarsaaneq aamma qunusiarinninnikkut anguniagaqartarnerup aningaasalersornerata akiorniarneqarnera pillugu inatsimmi § 4-mi nassuiardeqartutut paasineqassaaq.

**§ 7.** Qunusiarinninnikkut anguniagaqartarnerup aningaasalersornera inatsimmi matumani iliuutsinut inatsisini taakkunani § 28-mi pineqartunut tunngatillugu Kalaallit Nunaanni pinerluttulerinermi inatsimmi § 30-im i nassuiardeqartutut paasineqassaaq.

## Kapitali 3

### *Akiliisup akiligaanik ingerlatitseqqittartup pisussaaffii*

### *Akiliisoq pillugu paasissutissat tamarmiusut*

**§ 8.** Akiliisoq pillugu paasissutissat tamarmiusut tassaapput taassuma aqqa, najugaa kontonormalu. Najugaanut taarsiullugu ulloq sumiiffillu akiliisup inunngorfia, atuisup kinaassusersinissaanut normua imaluunniit inuttut normua taaneqarsinnaapput. Akiliisoq kontonormoqanngippat tamatumunnga taarsiullugu akiliisoq kinaassusersineqarsinnaaqquillugu akilikkanik ingerlatitseqqittartup kinaassusersissut atorsinnaavaa.

### *Aningaasanik nuussinerni paasissutissat nalunaarsuinerlu*

**§ 9.** Akiliisoq pillugu paasissutissanik tamarmiusunik nuussinerit ilaqtittarnissaat akilikkanik ingerlatitseqqittartup qulakiissavaa.

*Imm.* 2. Nuussinnginnermi uppermarsaatit paasissutissallu tutsuiginartumit attuumassuteqanngitsumillu pissarsiat tunngavigalugit akiliisoq pillugu paasissutissat tamaasa akiliisup akilikkanik ingerlateqqittartuata misissortassavai.

*Imm.* 3. Kontomit nuussinerni misissuisarnissamik piumasaqaat naammassineqarsimasutut isigineqassaaq

- 1) aningaasarsianik malunnarunnaarsaaneq aamma qunusiarinninnikkut anguniagaqartarnerup aningaasalorsornerata akiorniarneqarnera pillugu inatsimmi kinaassutsimik assigisaannillu paasissutissat toqqortarinissaannik pisussaaffit naapertorlugit kontop pilersinneqarnerani tamatumunngalu atatillugu paasissutissat saqqummerneranni akiliisup kinaassusia uppermarsarneqarpal imaluunniit
- 2) inatsisip matuma atuutilinnginnerani aamma annaasinnaasat nalilernerat tunngavigalugu paasissutissat tamarmiusut pissarsiainerisa nalaani akiliisoq akilikkanik ingerlatitseqqittartumit sullinneqartarpal.

*Imm.* 4. Arlararluni imminnut attuumassuteqarpasissunik katillugillu 7.500 kr. sinnerlugit nuussisoqartarsimanngippat kontokkuunngitsumik nuussinerni akiliisoq pillugu paasissutissanik akiliisup akilikkanik ingerlatitseqqittartua uppermarsaaginnartussaavoq.

*Imm.* 5. Aningaasarsianik malunnarunnaarsaaneq aamma qunusiarinninnikkut anguniagaqartarnerup aningaasalorsornerata akiorniarneqarnera pillugu inatsimmi § 7-imi pineqartuni aningaasarsianik malunnarunnaarsaaneq aamma qunusiarinninnikkut nuussisoqarneranik pasitsassisoqartillugu imm. 4 atutissanngilaq.

*Imm.* 6. Nuussinerni akiliisut pillugit paasissutissat tamarmiusut nalunaarsorsimaffii akiliisup akilikkanik ingerlatitseqqittartuata ukiuni 5-ni toqqortarisassavai.

*Kalaallit Nunaata iluani, Kalaallit Nunaata Danmarkillu akornanni aamma*

*Kalaallit Nunaata Savalimmiullu akornanni aningaasanik nuussinerit*

**§ 10.** Akiliisup tigusicullu akiligaannik nuussisartoq Kalaallit Nunaanniippat nuussinerlu akiliisup kontonormuanik imaluunniit kinaassusersissummik ilaqtinnejqarpal taamaalillunilu akiliisup nuussisimanera paasineqarsinnaappat § 9, imm. 1 atutissanngilaq.

*Imm.* 2. Imm. 1-imi atutitsinnginneq assinganissaq atutissanngilaq akiliisup tigusicullu akilikkanik ingerlatitseqqittartua Kalaallit Nunaanniippat, Danmarkimiippat imaluunniit Savalimmiuniippat.

*Imm.* 3. Nuusseqqusissutip tiguneqarneraniit ullut suliffiusut 3-t iluanni akiliisoq pillugu paasissutissat tamarmiusut akiliisup akilikkanik ingerlatitseqqittartuata tigusicup akilikkanik ingerlatitseqqittartuanut tunniutissavai tamanna pillugu akiliisup akilikkanik ingerlatitseqqittartua qinnuiginnippat.

*Kalaallit Nunaata nunallu allat akornanni aningaasanik nuussineq*

**§ 11.** Tigusicup akilikkanik ingerlatitseqqittartua Kalaallit Nunaata avataaniitsillugu aningaasanik nuussinerit akiliisoq pillugu paasissutissanik tamarmiusunik ilaqtinnejqartassapput.

*Imm. 2.* Tigisisup akilikkanik ingerlatitseqqittartua Kalaallit Nunaaniitsinnagu katersanik ataatsikkut akiliisup ataatsip batchfilikkut nuussinerani , batchfili paasissutissanik taakkuninnga ilaqartinneqarpalnuussinerillu akiliisup kontonormuanik imaluunniit kinaassusersissutaanik ilaqartinneqarpata imm. 1 atuutissanngilaq.

*Imm. 3.* Tisusisup akkilikkanik ingerlatitseqqittartua Danmarkimiippat Savalimmiuniippalluunniit taassuma Kalaallit Nunaanniinneratulli malittarisassat atuutissapput.

#### Kapitali 4

*Tigisisup akilikkanik ingerlatitseqqittartuata pisussaaffii*

*Akiliisoq pillugu paasissutissat amigaateqarnerannik paasiaqarneq*

**§ 12.** Aningaasanik nuussinerit pillugit malittarisassat malillugit nalunaaruteqartarnerni imaluunniit akiliisarnerni atorunnaartsitsisarnerniluunniit akiliisoq pillugu paasissutissat immersuiffissartaat karakterinik inputinilluunniit immersorneqarsimanissaat misissussallugu tigisisup akilikkanik ingerlatitseqqittartuata pisussaaffigaa. Akiliisoq pillugu paasissutissat amigaateqarneri paasiaqarfiumallugu tigisisup akilikkanik ingerlatitseqqittartua atorluarsinnaasunik suleriaaseqassaaq:

- 1) Akiliisup akilikkanik ingerlatitseqqittartua Kalaallit Nunaanniitsillugu nuussinerni § 10 malillugu paasissutissiissutigeqqusat paasissutissiissutigineranni.
- 2) Akiliisup akilikkanik ingerlatitseqqittartuata Kalaallit Nunaanniinnginnerani nuussinerni § 8 malillugu akiliisoq pillugu paasissutissat tamarmiusut imaluunniit § 17 malillugu paasissutissiissutigeqqusat pasissutissiissutigineranni.
- 3) Akiliisup akilikkanik ingerlatitseqqittartuata Kalaallit Nunaanngiinnginnerani batchfilikkut nuussinerni § 8 malillugu akiliisoq pillugu paasissutissat tamarmiusut paasissutissiissutigineranni, taamaattorli batchfilikkut nuussinermi kisimi ataatsikkut nuussinerit pinnagit.
- 4) Nr. 2 aamma 3 apeqquataatinnagit akiliisup akilikkanik ingerlatitseqqittartua Danmarkimiitsillugu Savalimmiuniitsilluguluunniit aningaasanik nuussinerni aamma batchfilikkut nuussinerni § 10 malillugu paasissutissiissutigeqqusat kisiisa paasissutissiissutigineranni.

*Aningaasanik nuussinerni akiliisoq pillugu paasissutissat amigaatillit imaluunniit  
paasissutissat tamarmiunngitsut*

**§ 13.** Tigisisup akilikkanik ingerlatitseqqittartuata nuuttanik tigusinermini akiliisoq pillugu paasissutissat inatsit manna malillugu amigaateqarnerat tamarmiunnginneralluunniit paasiguniuk nuussineq tigujumassanngilaa imaluunniit akiliisoq pillugu paasissutissat tamarmiusut pissarsiariumassallugit.

*Imm. 2.* Akiliisoq pillugu paasissutissiissutigeqqusanik akilikkanik ingerlatsitseqqittartoq tunniussillattaartanngippat tigisisup akilikkanik ingerlatitseqqittartua aallaqqaaammut mianersoqqussutinik tunniussinissamullu kingusinnerpaaffiliissutinik nassiussaqartarsinnaavoq kingornalu taassumannga aningaasanik nuuttagassanik tigusaqartarumajunnaarsinnaalluni imaluunniit akilikkanik ingerlatitseqqittartumik pineqartumik suleqateqarneq killeqartinneqalissanersoq taamaatinneqassanersorlunniit isumaliutersuutigisinnaallugu. Oqaaseqatigiit siullit malillugit tigisisup akilikkanik ingerlatitseqqittartua iliuusissamik

aalajangiippat tamanna Kalaallit Nunaanni aningaasarsianik malunarunnaarsaasarnermik Allattoqarfimmut ilisimatitsissutigineqassaaq.

#### *Annaasaqarsinnaaneq tunngavigalugu naliliineq*

**§ 14.** Tigusisup akilikkanik ingerlatitseqqittartuata aningaasanik nuussineq assigisaaluunniit pasinaateqartutut naliliiffigippagu akiliisoq pillugu paasissutissat amigaateqarnerat tamarmiunnginneralluunniit ilanngullugit naliliiffigissavai aamma aningaasarsianik malunnarunnaarsaaneq aamma qunusiarinninnikkut anguniagaqartarnerup aningaasalersornerata akiorniarneqarnera pillugu inatsimmi § 7 naapertorlugu tamatuminnga Kalaallit Nunaanni aningaasarsianik malunarunnaarsaasarnermik Allattoqarfik ilisimatinneqassanersoq naliliiffigissallugu.

#### *Nalunaarsuineq*

**§ 15.** Akiliisoq pillugu paasissutissanik tigusanik nalunaarsuiffit tigusisup akilikkanik ingerlatitseqqittartuata ukiuni 5-ni toqqortarisassavai.

### Kapitali 5

#### *Akilikkanik ingerlatitseqeqataasartut pisussaaffii*

#### *Nuussinermi akiliisoq pillugu paasissutissat toqqortarinissaat*

**§ 16.** Aningaasanik nuussinermut ilanngullugu akiliisoq pillugu paasissutissat tigusat tamaasa nuussinermut ilanngullugit toqqortarineqarnissaat akilikkanik ingerlateqeqataasartut isumagisassavaat.

#### *Periaatsitigut killilersuutit*

**§ 17.** Akiliisup akilikkanik ingerlatitseqqittartua Kalaallit Nunaanniinngippat akilikkanillu ingerlatitseqeqataasartoq Kalaallit Nunaaniippat imm. 3-6 malinneqassapput.

*Imm. 2.* Taamaattorli akiliisup akilikkanik ingerlatitseqqittartua Danmarkimiippat imaluunniit Savalimmiuniippat aamma akilikkanik ingerlatitseqeqataasartoq Kalaallit Nunaaniippat imm. 3-6 malinneqassanngillat.

*Imm. 3.* Tigusisup akilikkanik ingerlatitseqqittartuanut aningaasat nuuttat nassiunnissaanni periaatsitigut killilersuutit akilikkanik ingerlatitseqeqataasartup malissinnaavai, akiliisoq pillugu paasissutissat aningaasanut nuuttanut ilanngunnissaannut periaatsitigut killilersuutit periarfissaqartitsinnginnerat apeqquaatinngagu, matumani akiliisoq pillugu paasissutissat inatsit manna malillugu paasissutissiissutigeqquneqartut aningaasat nuuttat tiguneranni amigaateqarnerat tamarmiunnginneralluunniit akilikkanik ingerlatitseqeqataasartup paasisaqarfigisimannngippagu.

*Imm. 4.* Aningaasat nuuttat tiguneranni inatsit manna malillugu akiliisoq pillugu paasissutissiissutigeqqusat amigaateqartut tamarmiunngitsulluunniit akilikkanik ingerlatitseqeqataasartup paasisaqarfigippagu, akiliisoq pillugu paasissutissat amigaateqarnerat tamarmiunnginneralluunniit pillugu tigusisup akilikkanik ingerlatitseqqittartua nalunaarfigineqarsinnaappat akiliinermi periaatsitigut killilersuutit akilikkanik ingerlatitseqeqataasartup taamaallaat malissinnaavai. Paasissutissaq taanna ingerlateqqinnejqarsinnaassappat imaluunniit periaaseq alla akuerisaasoq imaluunniit akilikkanik

ingerlatitseqqirrtartut taakku marluk akornanni isumaqtigiiissuteqarnikkut akiliinermi nalunaarnermiluunniit periaaseq atorlugit nalunaartoqassaaq.

*Imm. 5.* Akiliineq periaatsitigut killeqartitaq akilikkanik ingerlatitseqqeqlataasartup atorpagu paasissutissat taakku tamarmiunerat tamarmiunnginneralluunniit apeqqutaatinnagu, akiliisoq pillugu paasissutissat tamaasa tiguneqareernerannit ulla suliffiusut 3-t qaangiutsinnagit tigusisup akilikkanik ingerlatitseqqittartua piumasaqarneratigut tigusisup akilikkanik ingerlatitseqqittartuanut akilikkanik ingerlatitseqqeqlataasartup atugassanngortissinnaavai.

*Imm. 6.* Imm. 3-mi 4-milu taaneqartunik pisoqartillugu paasissutissat tigusat tamarmiusut nalunaarsorsimaffi akilikkanik ingerlatitseqqeqlataasartup ukiuni 5-ni toqqortarisassavai.

## Kapitali 6

### *Nakkutilliineq naammagittaalliuuteqarsinnaanerlu*

**§ 18.** Kalaallit Nunaanni akilikkanik ingerlatitseqqittartut, tassalu aningaaseriviit, qularnaveeqqusikkanik taarsigassarsitsisarfii, qarasaasiakkut akilikkanik fondsmægleritut ingerlatitseqatigiiffiit, ileqqaartitsisarfii imaluunniit taamaaqataanik suliaqartumik nunat allat suliffeqarfutaasa immikkoortortaqarfii, inatsimmik matuminnga maleruaanersut Finanstilsynip nakkutigissavaa.

*Imm. 2.* Inatsisip matuma maleruartinneqarnerani paasissutissat Finanstilsynip atortariaqagai suliffeqarfii immikkoortortaqarfii illu imm. 1-im i taaneqartut Finanstilsynimut tunniutissavaat.

**§ 19.** Inatsit naapertorlugu Finanstilsynip aalajangiineri aalajangiinermi pineqartumut nalunaarutigineqareerneraniit kingusinnerpaamik qaammatit 4-t ingerlaneranni pineqartup Erhvervsankenævnimut naammagittaalliuutigisinnnaavai.

## Kapitali 7

### *Kinguneqartitsinerit*

**§ 20.** § 9, imm. 1, 2, 4 aamma 6, § 10, imm. 3, § 11, imm. 1, §§ 12, 13, 15 aamma 16 aammalu § 17, imm. 4-6-it piaaraluni imaluunniit annertoorujussuarmik mianersuaalliornikkut unioqqutitsinerit Kalaallit Nunaanni pinerluttulerinermik inatsit malillugu eqqartuussinikkut pineqaatissiissutigineqarsinnaapput.

*Imm. 2.* § 18, imm. 2 malillugu pisussaaffik suliffeqarfii up inuulluunniit naammassinngippagu, inuk, suliffeqarfik imaluunniit inuit suliffeqarfik sinnerlugu akisussaasut ullukkaartumik imaluunniit sapaatit akunnikaartumik pinngitsaaliisummik Finanstilsynip pillammik akiliisartussanngortissinnaavai.

*Imm. 3.* Kalaallit Nunaanni pinerluttulerinermik inatsimmi kapitali 5-im i maleruagassat malillugit ingerlatitseqatigiiffiit il.il. (oqartussaassuutitat) akisussaatinneqarsinnaapput.

## Kapitali 8

### *Atuutilerfia*

**§ 21.** Inatsit manna atuutilerpoq juunip 1-ianni, 2010, taamaattorli takuuk imm. 2.

*Imm. 2. Inatsimmi § 2, imm. 2, § 3, imm. 2, § 4, nr. 5, § 10, imm. 2, § 11, imm. 3, § 12, imm. 4  
aamma § 17, imm. 2.*

*Christiansborg Slotimi tunniunneqarpoq apriliip 21-ianni, 2010*

Kunngiussutsitsinnik Atsiorpugut Naqissusiillatalu

MARGRETHE R.

/ Brian Mikkelsen